

Na osnovu člana 89. stav (3) Zakona o javnim nabavkama Bosne i Hercegovine ("Službeni glasnik" broj: 39/14), a nakon provedenog postupka nabavke putem konkurentskog zahtjeva za dostavu ponuda, *zaključuje se*

U G O V O R O PRUŽANJU GRAFIČKIH USLUGA

Između ugovornih strana:

Štamparija Comesgrafika d.o.o. Banja Luka, sa sjedištem u Banja Luci na adresi Beogradska 21., koju zastupa direktor Zvonko Savić (u daljem tekstu: Davalac usluga)

i

Elektrotehnički fakultet u Sarajevu, sa sjedištem u Sarajevu na adresi Zmaja od Bosne bb, koga zastupa dekan prof. dr Samim Konjicija (u daljem tekstu: Ugovorni organ)

PREDMET UGOVORA

Član 1.

Predmet ovog ugovora (u daljem tekstu: Ugovor) je sukcesivna isporuka robe i pružanje grafičkih usluga od Davaoca usluga za potrebe Ugovornog organa.

PRAVA I OBAVEZE UGOVORENIH STRANA

Član 2.

Davalac usluga se obavezuje:

1. Da će redovno snabdijevati Ugovorni organ, u skladu sa potrebama i narudžbama iskazanim u pisanom obliku.
2. Da će isporuku robe i pružanje grafičkih usluga izvršiti prema nalogu Ugovornog organa, i to u roku od najkasnije 1 (jednog) radnog dana od momenta narudžbe Ugovornog organa.
3. Da će isporuku robe i izvršenje grafičkih usluga, fakturisati u ugovorenim rokovima, na osnovu otpremnih dokumenata (otpremnica i sl.) potvrđenih od strane Ugovornog organa o preuzimanju robe, i to na dan preuzimanja robe.
4. Da neće mijenjati ponuđene cijene tokom cijelog ugovorenog perioda.
5. Da će isporuka robe i grafičkih usluga Ugovornom organu, biti propisanog kvaliteta, u traženim količinama i u dogovorenom terminu, a u skladu sa odrebama ovog Ugovora.
6. Da će isporučiti robu i pružiti grafičke usluge u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Ugovorni organ se obavezuje:

- Da će blagovremeno obavijestiti Davaoca usluga o mjestu, terminu i načinu isporuke robe.
- Da će pismeno obavijestiti Davaoca usluga o mogućim propustima u pogledu isporuke robe i izvršenja grafičkih usluga.
- Da će obavijestiti Davaoca usluga da u razumnom roku ispravi propuste u smislu izvršene nabavke.

Ugovorni organ postavlja uslov Davaocu usluga, da nema pravo zapošljavati u svrhu izvršenja Ugovora, fizička ili pravna lica koja su učestvovali u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 (šest) mjeseci po zaključivnju ugovora, odnosno od početka realizacije Ugovora.

PODUGOVARANJE

Član 3.

Davalac usluga može angažovati podugovarača radi pružanja bilo kojih usluga, ukoliko Ugovorni organ odobri angažovanje takvog podugovarača pismenim putem. Davalac usluga će biti odgovoran za sve realizovane usluge od strane podugovarača.

VISINA I PLAĆANJE

Član 4.

Ukupna cijena ponude iznosi 20.449,47 KM bez PDV-a (dvadesethiljadačetiristotinečetredesetdevet i 47/100KM) do kraja kalendarske 2017. godine.

Ugovoreni iznos naknade će se plaćati sukcesivno na žiro račun Davaoca usluga, kod odgovarajuće banke u Bosni i Hercegovini, u roku od 15 (petnaest) dana od dana dostave fakture.

Pripadajući porez će se obračunati i platiti u skladu sa zakonom.

TRAJANJE I RASKID UGOVORA

Član 5.

Ovaj Ugovor se zaključuje na period od 25.04.2017. godine do zaključno sa 31.12.2017. godine, s mogućnošću produženja.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane od ugovorenih strana.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

PRIJELAZNE I ZAVRŠNE ODREDBE

Član 6.

Ovaj ugovor stupa na snagu danom obostranog potpisivanja.

Za sva ostala pitanja koja nisu regulisana odredbama ovog Ugovora, primjenjivat će se odredbe Zakona o obligacionim odnosima.

Član 7.

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom odlučuje stvarno nadležan sud prema sjedištu Ugovornog organa.

Član 8.

Ovaj Ugovor je sačinjen u 6 (šest) istovjetnih primjerka, od kojih svaka ugovorna strana zadržava po 3 (tri) primjerka.

DAVALAC USLUGA

Direktor, Zvonko Savic, dipl.prav.

Broj: 100/17

Datum: 26.05.2017.

UGOVORNI ORGAN

Dekan, prof.dr Samim Konjicija

Broj: 02-1704/17

Datum: 28.04.2017